

<b>Adroddiad i'r:</b>	<b>Cyd-bwyllgor Trosolwg a Chraffu Bwrdd Gwasanaethau Cyhoeddus Conwy a Sir Ddinbych</b>
<b>Dyddiad y cyfarfod</b>	<b>Dydd Gwener 11 Chwefror 2022</b>
<b>Aelod Arweiniol / Swyddog</b>	<b>Fran Lewis, Cyngor Bwrdesitref Sirol Conwy, (Pennaeth Adnoddau Dynol a Gwelliant Corfforaethol)</b>
<b>Awdur yr Adroddiad</b>	<b>Hannah Edwards, Cyngor Bwrdeistref Sirol Conwy (Swyddog Cefnogi BGC)</b>
<b>Teitl</b>	<b>Asesiad Lles Conwy a Sir Ddinbych 2022 - trosolwg ymgysylltu</b>

## **1. Am beth mae'r adroddiad yn sôn?**

- 1.1 Mae'r adroddiad yn disgrifio'r dull ymgysylltu a gynhaliwyd i lywio'r [Asesiad Lles](#), gan gynnwys trosolwg o'r dulliau a ddefnyddir ac ymatebion a dderbyniwyd (gan gynnwys crynodeb demograffig).

## **2. Beth yw'r rheswm dros lunio'r adroddiad hwn?**

- 2.1 Darparu trosolwg i'r Cydbwyllgor Trosolwg a Chraffu Bwrdd Gwasanaethau Cyhoeddus o'r dull ymgysylltu a gynhaliwyd i lywio'r Asesiad Lles.

## **3. Beth yw'r Argymhellion?**

- 3.1 Derbyn, darparu arsylwadau a chefnogi'r adroddiad.

## **4 Manylion yr adroddiad**

- 4.1 Mae [Deddf Lles Cenedlaethau'r Dyfodol 2015](#) yn cynnwys gofyniad statudol i bob Bwrdd Gwasanaethau Cyhoeddus i lunio Asesiad o Les Lleol sy'n "ystyried cyflwr economaidd, cymdeithasol, amgylcheddol a diwylliannol yn ei ardal." Mae'n nodi cryfderau ac asedau pobl a'u cymunedau, gan amlinellu beth sy'n bwysig i bobl a chymunedau yng Nghonwy a Sir Ddinbych o ran lles, nawr ac yn y dyfodol.

- 4.2 Yn unol â'n hasesiad diwethaf, ein nod y tro hwn oedd hefyd sicrhau bod ein hasesiad yn cael ei arwain gan ymgysylltu. Mae aelodau o'r cyhoedd, grwpiau cymunedol, pobl ifanc, busnesau lleol a staff sy'n gweithio ar draws ein sefydliadau partner sector cyhoeddus i gyd wedi cyfrannu eu profiadau o ymweld, byw neu weithio yng Nghonwy a Sir Ddinbych.
- 4.3 Bwriadwyd i'n dull ymgysylltu, dadansoddi data a thueddiadau'r dyfodol fod â chysylltiad rhyngddynt. Rydym yn archwilio beth oedd pobl yn ei ddweud wrthym ac wedi cadarnhau hyn yn ein hymchwil, tueddiadau a data. Mae'r dull yn gadarn ond mae wedi profi'n heriol tra'n ymgysylltu yn ystod y pandemig Covid-19. Y mwyaf amlwg oedd sut i ymgysylltu yng nghyd-destun gweithio gartref dros ardal eang, cyfleoedd cyfyngedig ar gyfer cyfarfodydd cyhoeddus a'r posibilrwydd o 'flinder zoom'.
- 4.4 Yn anffodus, mae hyn wedi cyfrannu at gyfradd ymateb bach sydd â darlun cyffredin ar draws Cymru (gweler Atodiad A am fwy o wybodaeth ar y nifer o ymatebion a dderbyniwyd a'r crynodeb o ddemograffig ein hymgysylltu).
- 4.5 Felly, er bod hyn wedi golygu nad yw ein hymgysylltu yn cynrychioli demographig neu ddaearyddol fel y bwriadwyd, rydym wedi rhoi'r un ystyriaeth i'r hyn mae pobl wedi'i ddweud wrthym, ac wedi dewis amlygu'r wybodaeth hon drwy gydol yr asesiad. Fodd bynnag, dechrau'r sgwrs yw hyn a byddwn yn parhau i ymgysylltu â phobl wrth i ni gwblhau'r asesiad a datblygu ein hamcanion a chynllun lles wrth symud ymlaen.
- 4.6 Fel rhan o'n dull ymgysylltu, roeddem wedi adolygu cymaint o wybodaeth ag oedd gennym ar gael i ddechrau o ymgysylltiadau ac ymgynghoriadau diweddar. Roedd hyn er mwyn lliniaru'r raddfa ymateb isel a hefyd i osgoi gofyn yr un cwestiynau ac ailadrodd yr hyn a ofynnwyd i bobl eisoes. Roeddem wedi edrych yn fewnol ar draws holl wasanaethau, wedi siarad gyda'n partneriaid lleol ac ystyried arolygon rhanbarthol a chenedlaethol diweddar.
- 4.7 Roeddem hefyd wedi cynnal yr ymgyrch Sgwrs y Sir ar draws Siroedd Conwy a Dinbych, drwy weithdai rhithiol a holiaduron (gwybodaeth bellach ar gael yn 4.7.1 a 4.7.2 isod). Er bod dulliau ymgysylltu ychydig yn wahanol wedi digwydd yn y ddwy sir roedd ein holiaduron yn debyg er mwyn rhannu ein hadborth ymgysylltu. Roeddem wedi dilyn yr un strwythur drwy ofyn cwestiynau agored gyda

meddwl hirdymor i ganiatáu i ymatebion gynnig cipolwg dyfnach a chasglu data ansoddol.

#### **4.7.1 Gweithdai rhithiol -**

- Oherwydd y pandemig Covid-19 roedd holl grwpiau ffocws Sgwrs y Sir wedi eu cynnal yn rhithiol (yn unol â chyfyngiadau Llywodraeth Cymru oedd ar waith adeg ymgysylltu).
- Cynhaliwyd nifer o grwpiau ffocws cyhoeddus yn Sir Ddinbych, gyda hwylusydd annibynnol, ar gyfer ardaloedd gwahanol o fewn y siroedd. Er enghraifft, roedd Sir Ddinbych yn canolbwyntio ar Grwpiau Ardal yr Aelodau sef Y Rhyl, Prestatyn, Elwy, Dinbych, Rhuthun a Dyffryn Dyfrdwy.
- Yng Nghonwy cafodd y gweithdai eu hwyluso gan staff Conwy ac roeddent yn agored i'r cyhoedd ac aelodau o staff. Cafodd y rhain eu cynnal yn ôl thema ac yn canolbwyntio ar amcanion lles Conwy (gan gynnwys addysgiedig a medrus, teimlo'n ddiogel, tai, iach a heini, economi, amgylchedd, diwylliant a llais). Roedd pob gweithdy yn cynnwys panel gwranddo o uwch swyddogion ac Aelodau Etholedig. Roedd y canolbwynt hwn ar ofyn i bobl am eu profiadau a gwranddo ar yr hyn oedd ganddynt i'w ddweud. Roedd hyn yn ymwneud llawer â sgwrs – nid ymgynghori ar y cam hwn.
- Er bod presenoldeb yn isel yn y gweithdai rhithiol yn y ddwy sir, roedd y sesiynau wedi darparu adborth o ansawdd adeiladol a manwl i'n cwestiynau.

#### **4.7.2 Holiaduron -**

- hwn oedd y dull ymgysylltu mwyaf poblogaidd ac yn bennaf roedd yr ymatebion a dderbyniwyd wedi eu hystyried yn dda ac yn darparu adborth o ansawdd da ac adeiladol. Gwnaethom dderbyn dros 200 o ymatebion i'r arolwg ar-lein.
- Er mwyn sicrhau bod yr arolwg yn hygyrch i holl aelodau o'r gymuned, roedd copïau caled ar gael ym mhob llyfrgell ar draws y siroedd. Roeddent hefyd ar gael mewn Siopau Un Alwad yn Sir Ddinbych.
- Roedd y gweithdai rhithiol a holiaduron wedi eu hybu drwy ddatganiadau i'r wasg, negeseuon e-bost wedi eu targedu i'n rhestr ddsbarthu rhanddeiliad, negeseuon ar y cyfryngau cymdeithasol a thrwy Gyngorau Tref a Chymuned.

- 4.8 Roedd grwpiau ffocws rhithiol pellach wedi eu cynnal gyda Chyngor yr Ifanc ac amrywiol ysgolion uwchradd yn Sir Ddinbych i sicrhau bod lleisiau pobl ifanc yn cael eu clywed. Yng Nghonwy gan fod Cyngor yr Ifanc mewn cyfnod o adolygiad, roedd swyddogion wedi mynychu'r grwpiau ieuenctid.
- 4.9 Roeddem wedi cynnal fforwm Lleisiau Cymunedol rhyngweithiol rhanbarthol ble roedd dros 40 o sefydliadau yn bresennol. Roedd y gweithdy hwn wedi'i gomisiynu drwy'r BGC Gogledd Cymru o dan arweiniad timau Cydlyniant Rhanbarthol Gogledd Ddwyrain Cymru a Rhwydwaith Cydgynhyrchu Cymru. Diben y gweithdy oedd ymgysylltu â phobl ble roedd iaith, diwylliant, gwahaniaethau cymdeithasol neu gorfforol o bosibl yn creu rhwystrau i gael eu clywed yn effeithiol. Roedd gweithdai ychwanegol wedi eu cynnig i fforymau Nam ar y Clyw a'r Golwg.
- 4.10 Drwy swyddog cyfathrebu arweiniol BGC, anogwyd staff i lenwi'r arolwg ar-lein yn ogystal â mynychu'r gweithdai rhithiol. Roedd yn galonogol gweld presenoldeb gan staff o amrywiol wasanaethau o fewn y cyngorau oedd yn caniatáu ar gyfer trafodaethau diddorol o safbwyntiau gwahanol. Fodd bynnag, nid oedd staff o sefydliadau BGC eraill wedi mynychu'r gweithdai.

## **5 Pa ymgynghoriadau sydd wedi'u cynnal gyda Chraffu ac eraill?**

- 5.1 Ymgysylltwyd ag aelod etholedig drwy amrywiol grwpiau ffocws / gweithdai rhithiol fel rhan o Sgwrs y Sir. Byddwn yn parhau i gyflwyno canfyddiadau o'r Asesiad Lles fydd yn adnodd allweddol i ddatblygu'r amcanion a chynllun lles.

## **6 Pa risgiau sydd ac a oes unrhyw beth y gallwn ei wneud i'w lleihau?**

- 6.1 Y risg bod yr Asesiad yn cael ei ddylanwadu gormod gan y rhaglen genedlaethol ac nad yw'n adlewyrchu'r blaenoriaethau ar gyfer ein cymuned leol – mewn ymateb roeddem wedi blaenoriaethu'r allbynnau gwaith ymgysylltu lleol dros unrhyw raglen genedlaethol.

## **7 Pŵer i wneud y penderfyniad**

7.1 Deddf Llesiant Cenedlaethau'r Dyfodol (Cymru) 2015

7.2 Adran 21 Deddf Llywodraeth Leol 2000 ac Adrannau 3.3 a 3.4 Cylch Gorchwyl y Cyd-bwyllgor Trosolwg a Chraffu.